

starogradski

OPĆINA STARI GRAD
SARAJEVO



MUNICIPALITY OF STARI
GRAD SARAJEVO

haber

BESPLATAN PRIMJERAK ● JUNI, 2022., broj 54.



**Završen veliki
infrastrukturni projekat
na Alifakovcu vrijedan
1,4 miliona KM**

- 4-5 Obilježavanja
- 6-7 Podrška Općini Čelić
- 8-9 Najava koncerta Petra Graše
- 12-17 Projekti
- 18-20 Poticaji
- 22 Bratimljenje sa Općinom Karşıyaka



Impressum

- Izdavač:** Općina Stari Grad Sarajevo
- Pripremili:** Almedina Porča
Alma Imamović
Jasenko Jašarević
Nedim Šahović
- DTP:** Safet Mališević
- Fotografije:** Safet Mališević
Nedim Šahović
- Štampa:** Štamparija Fojnica d.d.
Fojnica
- Tiraž:** 3000
- Adresa:** Zelenih beretki br. 4
71000 Sarajevo
- web:** www.starigrad.ba
- e-mail:** info@starigrad.ba
- Telefon:** +387 33 282 491



ISSN 2490-3981



9 772490 398004

Događaji



Uz muziku i brojne poklone, na Baščaršijskom trgu najavljeno ljeto za pamćenje u Starom Gradu

Program je otvorio općinski načelnik mr. Ibrahim Hadžibajrić, a realizovan je s ciljem promocije turističke sezone u Starom Gradu i dolaska turista u najstariju gradsku jezgru • Posjetioци su bili iznenađeni brojnim degustacijama, poklonima...

Sotine građana uživali su 29.06.2022. godine u programu koji su na Baščaršijskom trgu organizovali Općina Stari Grad Sarajevo i Radio 8 kroz otvoreni studio u kojem su se smjenjivali brojni muzički gosti i dijelili pokloni za prisutne. Program je realizovan s ciljem promocije turističke sezone u Starom Gradu i dolaska turista u najstariju gradsku jezgru što će doprinijeti oporavku ekonomije i privrednog okruženja nakon pandemije korona virusa.

Svim gostima točila se kafa dobrodošlice iz Vispakovke džezve za Ginisa, a posjetioци su bili iznenađeni brojnim degustacijama, poklonima, vaučerima za ručak ili večeru na Baščaršiji, wellness aranžmanima, tucanom kahvom, sokovima, voćem i bro-

jnim drugim iznenađenjima koje su obezbijedili privrednici koji su se dobrovoljno uključili u ovaj projekat, prepoznavši njegov značaj.

Ovo je slika koju želimo da pošaljemo iz Starog Grada

Program je otvorio općinski načelnik mr. Ibrahim Hadžibajrić koji je pozvao domaće i strane goste da ovog ljeta izaberu Stari Grad za svoju destinaciju. "Ovo je slika koju želimo da pošaljemo iz Starog Grada, prepune ulice i nasmijana lica i programi koji će svima ponuditi nešto zanimljivo. Sada pored Baščaršijskog trga imamo i Trg Prve brigade policije Stari Grad gdje ovog ljeta planiramo brojne sadržaje. Ispred



Brojni pokloni za građane



Armin Muzaferija



Članice KUD Bašćaršija građanima dijelile Cvijet Srebrenice

Katedrale planiran je koncert KUD-a Bašćaršija sa njihovim gostima, najavili smo 04. augusta i koncert Petra Graše, odmah nakon toga slijedi Ljetno kino Stari Grad SFF-a i brojni drugi sadržaji,” kazao je načelnik Hadžibajrić. “Trebaju nam ovakvi događaji jer želimo vratiti turiste i pomoći da se oporavi privreda. Vrijeme je da se nadoknade gubici od korone i da naši privrednici krenu naprijed. Hvala svima koji su prepoznali ovaj projekat i uključili se u njega, a siguran sam da je pred nama odlična sezona,” dodao je.

Zadovoljstvo nisu krili ni učesnici programa, među njima i jedan od najpopularnijih bh muzičara Eldin Huseinbegović.

“Ovo nije prvi put da učestvujem u događajima koje Općina Stari Grad Sarajevo i ekipa načelnika Ibrahima Hadžibajrića organizuje i zaista sam zadivljen. Ovo je stvarno divna ideja i zaista se nadam da će ovo prerasti u jednu lijepu tradiciju, jer ovo na Bašćaršijskom trgu je nešto posebno. Ovo je moja matična općina i iz nje sve kreće. Čestitke svima na ovoj zaista jedinstvenoj ideji i zaista



KUD Bašćaršija

se nadam nečemu sličnom i u buduću,” izjavio je Eldin.

Program je svojim nastupom uveličao i Armin Muzaferija. “Nešto najbolje što mi se desilo nakon veoma stresnog dana je ovo. Drago mi je da sam ovdje. Nisam nikada čuo da se neko ovdje nije lijepo osjećao. Ovo je zaista divana ideja, al nije ni čudo kad znam ko iza ovoga stoji, uvijek se rado odazovem vašim događajima,” poručio je Armin.

Građani uživali, došli i iz drugih dijelova grada

Na Bašćaršiji je uživala i Jasna Pilić koja je došla baš zbog ovog događaja. “Na televiziji sam čula najavu za ovaj događaj i nije mi bilo mrsko da dođem sa Dobrinje po ovim vrućinama. Pozdravljam ovaj projekat načelnika Hadžibajrića”, izjavila je Jasna Pilić.

Isto je izjavila i Rusmira Ljubaz. “Došla sam da prošetam i da vam dam podršku u održavanju događaja. Svaka vam čast na svemu što ste pripremili”.



Eldin Huseinbegović, bosanski kantautor

Projekat “Dobro došli u Stari Grad: Ljeto za pamćenje” podržali su:

Amko komerc, Planet d.o.o. – Dolcevita, kafa Branck d.o.o, Domestic d.o.o, Dibek tucana kava, kazandžija Ismet Huseinović, Smutihana, Kafe-restoran Metropolis, Restoran Đulbašča, Domod d.o.o, Senigor d.o.o, Relax tours, Fan Ferhatović, Čevabdžinica Petica, Vispak d.o.o, Džajić komerc, Parfimerija MARTIMEX, Zlatara Dar, Etiquette, RH laboratorij i Grawe osiguranje.

Obilježavanje

Brojnim sadržajima obilježen Dan Općine Stari Grad

Dodijeljena priznanja i povelje najzaslužnijim pojedincima i udruženjima • Tradicionalna podjela hedija za boračku populaciju • Međunarodni festival dječije umjetnosti

Dan Općine Stari Grad

Tradicionalnom posjetom turbetu Gazi Husrev-bega, mezaru Isa bega Ishakovića u haremu Careve džamije, te Šehidskom mezarju Kovači, obilježen je 02. maj Dan Općine Stari Grad Sarajevo. Na taj dan prije 30 godina, vodile su se presudne bitke za odbranu Starog Grada, ali i cijelog Sarajeva, što su istakli svi koji su učestvovali u obilježavanju ovog značajnog datuma. Delegaciju je predvodio općinski načelnik mr. Ibrahim Hadžibajrić, a činili su je i pomoćnici i rukovodioci općinskih služba, vijećnici u Općinskom vijeću Stari Grad.



U haremu Begove džamije

8. Međunarodni festival dječije umjetnosti FEDU od 03. do 07. maja

U okviru obilježavanja 2. maja, Dana Općine Stari Grad Sarajevo održan je 8. Festival dječije umjetnosti (FEDU). Općina Stari Grad Sarajevo je i ove godine bila generalni pokrovitelj Festivala koji je trajao od 02. do 07. maja, a Ugovor o pokroviteljstvu su krajem aprila, potpisali općinski načelnik mr. Ibrahim Hadžibajrić i direktor Festivala dječije umjetnosti Fahrudin Kučuk. Iz budžeta je izdvojeno 15.000 KM za realizaciju ovog jedinstvenog dječijeg projekta u zemlji i regionu. Festival je bio spoj igre, pozorišnih predstava, edukacije, obrazovanja, muzike ali i ostalih vrijednosti, a za cilj je imao afirmaciju dječijeg stvaralaštva.



Načelnik Hadžibajrić sa brojnim gostima

Svečana sjednica Općinskog vijeća Stari Grad

Dan Općine Stari Grad Sarajevo obilježen je i svečanom sjednicom na kojoj su dodijeljena priznanja zaslužnim pojedincima i kolektivima za doprinos razvoju i afirmaciji Općine, te bogatim kulturno-zabavnim programom. Ovom

svečanom događaju prisustvovali su brojni gosti, predstavnici diplomatskog kora i drugih institucija, boračkih i organizacija, ugledni privrednici, te ostali prijatelji i partneri Općine Stari Grad. Posebni gosti na sjednici su bile delegacije pobratimskih općina i gradova, i to Osmangazi Bursa (Turska), Karamürsel (Turska), Makarska (Hrvatska), Ulcinj (Crna Gora), Peć (Kosovo), Kragujevac (Srbija) i Ohrid (Sjeverna Makedonija).

Dobitnici priznanja

Najviše priznanje Zlatni sebilj dobio je privrednik i humanista Hajriz Brčvak koji u Starom Gradu gradi zgradu za stambeno zbrinjavanje sedam socijalno ugroženih porodica.

Za izuzetan humanitarni rad i pomoć najugroženijim kategorijama u Starom Gradu, Elviru Karaliću osnivaču udruženja Pomozi.ba dobitnik je Povelje sa grbom Općine Stari Grad, a dobitnik istog priznanja je i glumac sa internacionalnom karijerom Adnan Hasković i KUD Baščaršija.

Općinske povelje sa zlatnim štitom za požrtvovano djelovanje, organizovanje i izvođenje odbrane na području općine za vrijeme agresije dobili su: Udruženje „Prva brigada policije Stari Grad, Galib Gežo i Mirsad Karić.

Priznanje policajac godine dobio je pripadnik Prve policijske uprave Stari Grad, Nadir Čengić. Posebnu zahvalnicu Općine Stari Grad dobio je bh. književnik Fahrudin Kučuk i Zavod „Mjedenica“, dok su zahvalnice općinskog načelnika za mlade i njihov doprinos afirmaciji općine pripale učenicima IX razreda Zavoda Mjedenica Edini Zerdo, Amsalu Omerbegoviću, Naidi Ferhatović.

Tradicionalne hedije za boračku populaciju

Održana je tradicionalna podjela hedija boračkoj populaciji iz Starog Grada. Hedije u iznosu od 200 KM je 29.04.2022. godine dobilo 50 šehidskih porodica – majki i supruga šehida, te 50 nezaposlenih demobilisanih boraca i ratnih vojnih invalida. Hedije je porodicama uručio općinski načelnik mr. Ibrahim Hadžibajrić koji je istakao simboliku između 02. maja, 2022. godine i 02. maja, 1992.

„Ove godine Dan Općine i ramazanski Bajram poklapaju se istog dana. Postoji velika simbolika u tome jer je 02. maja prije 30 godina odbranjen Stari Grad i Sarajevo, a istog dana bio je i Kurban bajram. Nažalost i nakon toliko godina prisutno je mnogo rušilačkih i remetilačkih faktora, koji bi željeli da BiH nestane. Na njihovu žalost, a na našu radost, Bosna i Hercegovina je konstanta i ona će ostati nepromijenjena i ova država će opstati“, naglasio je načelnik Hadžibajrić.



Dobitnici općinskih priznanja i povelja



Nur Mehmetović



Načelnik Hadžibajrić i sekretarka Destanović sa šticeenicima Zavoda Mjedenica



KUD Baščaršija



Hedije za 100 porodica



Sa podijele hedija boračkoj populaciji

Podrška



Načelnici Hadžibajrić i Hrustanović

Načelnik Hadžibajrić posjetio Čelić i uručio pomoć od 50.000 KM

Pomoć u spašavanju plasteničke proizvodnje jagoda • Šteta se procjenjuje na 5,2 miliona maraka • Stradalo 400 stambenih objekata i poljoprivredni sektor

Još se zbrajaju štete uzrokovane velikim poplavama koje su zadale Općinu Čelić prije mjesec dana, a prema prvim procjenama one iznose oko 5,2 miliona konvertibilnih maraka. Za samo sat i po vremena u Čeliću je palo 55 l/m² kiše, poplavljeno je oko 400 stambenih objekata, uništena tri mosta, a najviše je stradao privredni sektor, te prijeto velika opasnost da Čelić ostane bez plasteničke proizvodnje jagoda po kojoj je prepoznatljiv. Ova općina u sjeveroistočnom dijelu BiH godišnje proizvede između 7 i 8 tona jagoda, a oko 60 hektara zemlje je pod plastenicima. Proizvodnjom jagode bavi se oko 500 domaćinstava, a štetu je pretrpjelo više od polovine.

Kada su nastupile velike poplave prvi koji je reagovao i Čeliću obećao konkretnu pomoć je općinski načelnik mr. Ibrahim Hadžibajrić koji je veoma brzo posjetio ovu općinu i načelniku Admiru Hrustanoviću uručio zaključak o izdavanju 50.000 KM za finansiranje hitnih mjera sanacije. Ovaj zaključak donio je Općinski štab civilne zaštite Stari Grad

na vanrednoj sjednici, a sredstva su već prebačena Općini Čelić.

U obilasku poplavljenih područja

Načelnici Hrustanović i Hadžibajrić obišli su najugroženija područja i razgovarali sa stanovnicima, te zajedno najavili da će ova pomoć biti usmjerena za pomoć poljoprivrednicima kako bi se spasila plastenička proizvodnja jagoda.

„Svi bi trebali doći i vidjeti kolike su štete u Čeliću. Ogromna je šteta na stambenim objektima, kako u centru općine, tako i van nje, stradalo je oko 400 kuća i trebaće puno vremena i sredstava da se to sanira. Posebno je stradala plastenička proizvodnja, vidjeli smo domaćinstva kojima je voda odnijela plastenike i sve zasade, a to im je jedini izvor prihoda. Mislim da bi odziv morao biti mnogo veći, a Kanton i Vlada FBiH morali bi bez pitanja, odmah izdvojiti milion maraka da se pomogne ovim ljudima,“ poručio je načelnik Hadžibajrić. „Naša pomoć od 50.000 KM možda je kap

u moru, ali će itekako biti od koristi u ovom teškom i presudnom trenutku za spas poljoprivrednika. Nismo određivali gdje će biti usmjerena ova sredstva, prepuštali smo načelniku Hrustanoviću da ih usmjeri tamo gdje je najpotrebnije,“ rekao je načelnik Hadžibajrić, dok je načelnik Hrustanović potvrdio kako je prioritet pomoći poljoprivrednicima. „Da bi opstala proizvodnja jagode, oni moraju posaditi zasad najkasnije za mjesec dana, a dotad se moraju sanirati štete, postaviti plastenici i nabaviti novi zasad,“ rekao je Hrustanović.

Meho Halilović u poplavi izgubio plastenike i zasad

Jedan od onih kojima je voda odnijela sve, ali je spreman krenuti ispočetka je Meho Halilović kojem je proizvodnja jagode jedini izvor prihoda. „Voda je poplavila kompletan Čelić u roku od sat i po. Meni je odnijela sve: plastenike, nadjlone, folije, nove zasade, alkatane. Imao sam pod plastenicima 4 dunuma zemlje, a novi zasad sam zasadio prije mjesec dana.

Šta ću...imam snage i volje da počnem ispočetka i zahvalan sam načelniku Starog Grada Sarajevo što misli na nas i došao je da nam pomogne. To je nama zaista velika stvar,"izjavio je Halilović.

Općina Stari Grad Sarajevo je prva općina koja je konkretno pomogla Čeliću

A, riječi zahvalnosti uputio je i načelnik Općine Čelić Admir Hrustanović koji je kazao da su samo Općina Stari Grad Sarajevo i Brčko distrikt do sada uplatili konkretnu finansijsku pomoć Čeliću.

„Prije svega želim se zahvaliti načelniku Ibrahimu Hadžibajriću na pozivu koji je prvi uputio i prvi je bio konkretan i rekao da će pomoći. Još važniji je njegov dolazak u Čelić, to govori o njegovom karakteru i ljudskosti u ovim teškim trenucima. Ovako se pokazuje da bi mi načelnici i gradonačelnici trebali biti zajedno u ovakvim trenucima i pomoći onima koji su u nesreći. Općina Stari Grad Sarajevo je bila prva općina koja je konkretno pomogla Općini Čelić.

Štetu pretrpjela i Safija Mujčinović

„Živim ovdje više od 50 godina i nikada se nije desilo nešto ovako. Kad sam otvorila vrata, val je navalio unutra u kuću, sve mi je poplavilo, sve je plivalo u vodi. Polahko se oporavljamo, jučer su dolazili da poprave kanalizaciju koja ide ispod mosta i bila je potpuno uništena. Sad je u redu, ali ja još nisam zaboravila taj šok," ispričala je Safija.

Nama to mnogo znači, imajući u vidu da je budžet Općine Čelić 4,1 miliona konvertibilnih maraka, a štete su tolike da nam neće biti dovoljna ni dva budžeta," izjavio je načelnik Hrustanović.

Dodao je da je u poplavama stradala čak i zgrada Općine Čelić, ali i da su dosta pogođeni privredni subjekti koji još procjenjuju svoje štete.

„U Čeliću imamo dvije firme koje zapošljavaju 150-200 ljudi, a jedna od njih radi i za Iku. Njima su se u poplavi oštetile mašine koje vrijede pola miliona maraka. Poljoprivreda i stambeni objekti



Poplave su izazvale i velike štete poljoprivrednicima



Poplavljeno 400 stambenih objekata

će se oporaviti brže, a ovakve štete će se teško nadoknaditi," dodao je načelnik Hrustanović.

Stanovnici ne pamte ovakve poplave

Prema njegovim riječima, od 400 poplavljenih stambenih objekata mahom su poplavljeni prizemlje ili prvi sprat, a 30-ak njih se ne može više koristiti. Među onima koji su stradali je i porodica Hašime Vešić ispred čije kuće se još uvijek nalaze dijelovi namještaja koji je us-

pjela spasiti u poplavi.

„Voda je brzo nadošla, nisam imala vremena ni za šta. Izašla sam da sklonim piliće da se ne uguše, a muž je izašao da spašava goveda i ovce. Nas je troje i živimo od stoke i poljoprivrede. Šibošnica je brzo nadošla, poplavila igralište i izlila se prema nama. Prvi sprat je bio potpuno poplavljen, sve je uništeno, a srećom spasili smo stoku. Dugo će nam trebati da se vratimo u normalu, a ja imam visok šećer i ne mogu više ni raditi koliko sam prije radila," ispričala je Hašima.

Događaj

Na Trgu Prve brigade policije Stari Grad održat će se veliki koncert Petra Graše

Ideja je bila da Trg postane mjesto održavanja svih najvećih i najznačajnijih gradskih dešavanja • Prvi veliki solistički koncert nakon zvaničnog otvaranja Trga u martu, 2020. godine



Uz podršku Općine Stari Grad Sarajevo i načelnika mr. Ibrahima Hadžibajrića, kompanija Sarajevski kiseljak povodom 130 godina postojanja organizovat će veliki koncert Petra Graše na Trgu Prve brigade policije Stari Grad, preko puta Vijećnice. Koncert će biti održan 04.08.2022. godine, s početkom u 20,00 sati, a ulaz za građane bit će besplatan.

Povodom najave koncerta 21.06.2022. godine je u Gradskoj Vijećnici održana konferencija za novinare na kojoj su se obratili općinski načelnik mr. Ibrahim Hadžibajrić, Petar Grašo i direktor Sarajevskog kiseljaka Admir Suljević.

“Trg Prve brigade policije” mjesto najznačajnijih gradskih događaja

“Trg Prve brigade policije” je višenamjenski trg u ulici Avdage Šahinagića i nezaobilazno je mjesto održavanja najznačajnijih gradskih događaja na otvorenom i prvi izbor za organizatore većine manifestacija u našem gradu.

Inače, izgradnja podzemne garaže sa višenamjenskim trgovom u ulici Avdage Šahinagića je najveći investicioni projekat Općine Stari Grad Sarajevo koji je realizovan 2020. godine u vrijednosti od 7 miliona KM. Ovaj projekt realizovan je prvenstveno zahvaljujući dugogodišnjim naporima i zalaganjima općinskog načelnika m.r Ibrahima Hadžibajrića za omogućavanje kreditnih sredstava Saudijskog fonda za razvoj kojim je finansirana izgradnja garaže i trga.

Hadžibajrić: Bit će ovo drugo otvaranje trga

Načelnik Hadžibajrić je istakao kako je dogovor sa Sarajevskim kiseljakom o održavanju ovog koncerta postignut još prije dva mjeseca. Istakao je da mu je posebno drago što će Stari Grad još jednom dočekati veliki broj gostiju ne samo iz Sarajeva nego i cijele BiH, regije, pa i šire: “Nakon prošlogodišnjeg velikog uspjeha, proglašenjem trga zvaničnom festivalskom tačkom Sarajevo Film Festivala na kojem su se okupile najveće sv-



Općinski načelnik mr. Ibrahim Hadžibajrić



Petar Grašo



Direktor Sarajevskog kiseljaka Admir Suljević

jetske i regionalne zvijezde, ove godine u saradnji sa Sarajevskim kiseljakom i Petrom Grašom nastavljamo pozicionirati Trg Prve brigade policije Stari Grad među najatraktivnije lokacije. Mogu slobodno reći da ćemo ovim koncertom na neki način po drugi put otvoriti trg jer ovo će biti prvi veliki solistički koncert nakon zvaničnog otvaranja trga u martu, 2020. godine," izjavio je načelnik Hadžibajrić.

Grašo: Ovako veliki koncert u Sarajevu još nisam imao

Regionalna muzička zvijezda Petar Grašo kazao je da nije mogao odbiti prijedlog za ovakav koncert.

"Svirao sam u Sarajevu, imao sam ovdje desetak koncerata, ali ovako veliki koncert ne. Plan je, zapravo, bio malo drugačiji, ali planovi su tu da se mijenjaju. Sarajevo je bilo u planu krajem godine. Međutim, onda je stigao odličan prijedlog kojeg nisam mogao odbiti, a to je koncert povodom 130. godišnjice

Sarajevskog kiseljaka u Starom Gradu, ispred Vijećnice. Kada sam razgovarao s ekipom iz Sarajevskog kiseljaka, na čelu s direktorom Admirom Suljevićem, rekao sam da moramo napraviti spektakl, glazbeni i produkcijski ravnopravan i ostalim velikim pozornicama u regiji koji ni po broju ljudi na stageu neće zaostajati za koncertima koje smo ove godine već odradili", izjavio je Petar Grašo.

Direktor Sarajevskog kiseljaka Admir Suljević govorio je o značaju ovog jubileja za Sarajevski kiseljak.

"Sto trideset godina postojanja Sarajevskog kiseljaka važan je jubilej – ne samo za one koji rade u kompaniji nego i za sam brend jer ne postoji puno brendova koji imaju tako bogatu tradiciju i tako dugu povijest, a i dalje ih ljudi vole, znaju i cijene. Ova godišnjica nam je jako važna i proslavit ćemo je uz koncert jedne od najvećih regionalnih zvijezda, čija je muzika kao i sam brend: kvalitetna, ugodna, budi lijepa osjećanja, priziva drage uspomene, okuplja drage ljude", kazao je Suljević.

Unificiranje starogradske jezgre uvođenjem jednoobraznih tendi



Unificiranje starogradske jezgre

Općina Stari Grad Sarajevo počela je proces unificiranja gradske jezgre uvođenjem jednoobraznih tendi jedinstvenog izgleda, a rokovi za njihovo postavljanje usklađeni su prema zonama u kojim poslovni subjekti djeluju.

Cijeneci veliki broj zahtjeva poslovnih subjekata, te prijedloge i sugestije koje su dali po pitanju uvođenja jednoobraznih tendi, Općina Stari Grad Sarajevo obavijestila je poslovne subjekte da se rok za postavljanje jednoobraznih tendi u zoni A produžava na 60 dana od dana pravosnažnosti rješenja kojim se utvrđuju urbanističko-tehnički uslovi za postavljanje predmetne tende, dok će rok za svaku narednu zonu biti produžen za još 30 dana. To znači da će rok za postavljanje tende u zoni B iznositi 90 dana, u zoni C 120 dana, u zoni D 150 dana, u zoni E 180 dana – od pravosnažnosti rješenja.

Općina Stari Grad Sarajevo će individualno pristupati svakom zahtjevu za postavljanje tendi, te će se izlaskom na teren utvrđivati dozvoljene dimenzije tende sukladno veličini poslovnog prostora, ulici u kojoj se nalazi, te samoj ambijentalnoj cjelini u kojoj je prostor.

Kao što je već najavljeno, sve tende u Starom Gradu će biti bez boje, sa istaknutim grbom Općine Stari Grad Sarajevo, te nazivom poslovnog subjekta. Idejno rješenje tende koje je pratilo prvo saopćenje za javnost, nije bila konačna verzija nego jedna od mogućnosti, te su po ovom pitanju uvažene sugestije privrednih subjekata, ali i ostalih građana i napravljene izmjene. Naglašavamo da ni ovo rješenje ne mora biti konačno i da će se po potrebi i dalje doradivati sve do nalaženja zajedničkog, najprihvatljivijeg rješenja.

Za postavljanje ovakvih tendi, Općina Stari Grad neće naplaćivati naknade, dok bilo kakve druge tende neće biti dozvoljene. Obaveza privrednih subjekata bit će i da pribave ovjerenu izjavu staričara o stabilnosti postavljene fasadne tende.

Općinsko vijeće

15. sjednica

Općinskog vijeća

Na prijedlog općinskog načelnika mr. Ibrahima Hadžibajrića, Općinsko vijeće Stari Grad Sarajevo usvojilo je 28.04.2022. godine izmjene Odluke o komunalnim taksama čime su znatno umanjeni iznosi pravnim i fizičkim licima.

Izmjenama Odluke o komunalnim taksama koje su usvojene fizičkim licima se takse umanjuju od 66-77%. Primjera radi, fizička lica koja su važećom odlukom trebala plaćati između 450-600 KM za poslovno sjedište, u zavisnosti od zone u kojoj se nalazi, novim izmjenama plaćat će od 100-200 KM, a za izdvojene poslovne jedinice od 40 do 100 KM, umjesto dosadašnjih 200 do 300 KM.



Usvojene izmjene Odluke o komunalnim taksama

Mikro i mala pravna lica će za poslovno sjedište u zavisnosti u kojoj zoni se nalazi, plaćati iznos od 100 - 500 KM, a za svaku poslovnu jedinicu će plaćati ovaj iznos umanjen za 70%.

Srednja i velika pravna lica za poslovna sjedišta će plaćati od 400 do 2.000 KM, do 5 poslovnih jedinica 70% manje od tog iznosa, a više od 5 poslovnih jedinica 90% manje od navedenog iznosa.

Posebno se vodilo računa o starim tradicionalnim obrtima koji će sada plaćati od 20 do 40 KM godišnje, taksi prevoznici 30 KM godišnje, a domaća radinost 20 KM.

16. sjednica

Općinskog vijeća

Općinsko vijeće Stari Grad Sarajevo održalo je 31.05.2022. godine 16. redovnu sjednicu na kojoj su razmatrani akti iz oblasti imovinsko-pravnih odnosa, privrede, te imenovanje pravobranioca Općine Stari Grad Sarajevo.

Komisija za izbor Pravobranioca Općine Stari Grad dostavila je Izvještaj o provedenom postupku po Javnom oglasu za izbor pravobranioca gdje je jednoglasno utvrdila preporuku da se za pravobranioca Općine Stari Grad imenuje Enes Smajlović, imajući u vidu dosadašnje iskustvo i kompetencije, kao i zbog činjenice da je jedini kandidat koji je u potpunosti ispunio uslove javnog oglasa. Nakon davanja svečane izjave novoizabrani pravobranilac Općine Enes Smajlović zahvalio se za ukazano povjerenje.

Vijećnici su usvojili i odluku o prestanku mandata vijećnika Malika Garibije koji je na prošloj sjednici podnio ostavku na mjesto dopredsjedavajućeg Općinskog vijeća i vijećnika u Općinskom vijeću Stari Grad, a potom su usvojili odluku o verifikaciji mandata sljedećeg kvalifikovanog kandidata sa liste - Željke Lera.



Novi pravobranilac Općine Stari Grad Enes Smajlović

17. sjednica

Općinskog vijeća

Na 17. redovnoj sjednici Općinskog vijeća Stari Grad Sarajevo održanoj 28.06.2022.godine usvojen je Prijedlog rješenja o imenovanju Komisije za bodovanje prispjelih molbi za dodjelu i prodaju stanova uposlenicima Općine Stari Grad Sarajevo, kao i Prijedlog Odluke o načinu i uslovima prodaje nekretnine u vlasništvu Općine Stari Grad Sarajevo za izgradnju zamjenskog stambenog objekta u ulici Čadordžina broj 34.

Općinsko vijeće Stari Grad nije prihvatilo da se na Dnevni red ove sjednice uvrsti prijedlog Odluke o osnivanju i djelokrugu službi za upravu Općine Stari Grad Sarajevo, čime su se vijećnici direktno oglašili na mjeru koju je donio glavni upravni inspektor Ministarstva pravde i uprave KS. Ova odluka je mjerom koju je propisao glavni upravni inspektor već



Sa sjednice Općinskog vijeća Stari Grad

na dnevnom redu bez ikakvog obrazloženja. Imajući u vidu da je odluka u potpunosti u skladu sa zakonom, a što su potvrdile i mjere glavnog inspektora, kao i zaključak nadležne komisije, ista više neće biti predmetom odlučivanja Općinskog vijeća, već će je donijeti Općinski načelnik.

bila na dnevnom redu 16.redovne sjednice Općinskog vijeća Stari Grad Sarajevo, ali su je vijećnici odbili bez obrazloženja. Nakon toga, Općina Stari Grad zatražila je nove upute o postupanju od glavnog upravnog inspektora koji je naložio da se ista ponovo dostavi na donošenje Općinskom vijeću Stari Grad Sarajevo. Iako je i Komisija za propise i statut jednoglasno podržala ovu odluku, Vijeće je odbilo da se odluka nađe

Sanacija ulice Faletići na Mošćanici



Sanacija 400 metara ulice

U mjesnoj zajednici Mošćanica u toku je sanacija dijela ulice Faletići u dužini od 400 metara. Radove u ovoj ulici od raskrsnice sa ulicom Baruthana do ukrštanja ulica Donje Biosko i Faletići obišao je i općinski načelnik mr. Ibrahim Hadžibajrić.

„Građani su ovdje konstantno imali probleme u saobraćaju zbog čestih dženaza na mjesnom i Bakijском mezarju. Stavljanjem u funkciju ovog kraka ulice, sva vozila koja budu dolazila na dženazu moći će se njom vraćati, tako da više neće biti zastoja i gužvi na glavnoj saobraćajnici koju ćemo i proširiti“, izjavio je načelnik Hadžibajrić.

Trenutno se radi proširenju ulice jer je projektom planirano i osiguranje dodatnog prostora za neometano mimoilaženje automobila. Predviđeno je da širina ulice bude 4,60 metara. Sa jedne strane bit će izgrađena bankina, a sa druge kanal za odvodnju.

Projekat vrijedan 130.000 KM

Iako djeluje da je riječ o padinskoj ulici u nenaseljenom dijelu, ovo je do sada bio veliki problem za građane mjesne zajednice Mošćanica koji su iznosili na skoro svim zborovima građana i susretima sa općinskim načelnikom. Nakon što je saslušao njihove probleme, načelnik Hadžibajrić uvrstio je ovu ulicu u svoj program rada za 2022. godinu.

Projekat je vrijedan oko 130.000 KM i u cjelosti se finansira iz budžeta Općine Stari Grad Sarajevo za 2022. godinu. Na planiranoj dionici dužine od 400 metara uradit će se skidanje djelimičnih i oštećenih asfaltnih slojeva, proširenje, tamponiranje i odvodnja. Nakon tih radova bit će asfaltirana cijela dionica i time znatno olakšana putna komunikacija za građane Faletića.



Načelnik Hadžibajrić obišao teren

U obilasku Buzadži hadži Jahjine džamije: Sanirani krov, munara, ograda i instalacije



Načelnik Hadžibajrić sa članovima džematskog odbora

Općinski načelnik mr. Ibrahim Hadžibajrić posjetio je sredinom juna Buzadži hadži Jahjinu džamiju, poznatiju kao džamija "Nova mahala", u mjesnoj zajednici Medrese, gdje ga je dočekao mutevelija džamije Abduldžebbar Karahmet. Povod za posjetu bio je obilazak radova na obnovi ovog značajnog vjerskog objekta za koje je, odlukom općinskog načelnika mr. Ibrahima Hadžibajrića, Općina Stari Grad izdvojila 40.000 KM. Buzadži hadži Jahjina džamija sagrađena je krajem 15. vijeka i ovi radovi su poduzeti kako bi se sačuvao od uništenja značajan vjerski objekat i spomenik.

Ugovor o finansiranju radova potpisan u februaru

Ugovor o finansiranju radova potpisan je u februaru ove godine između općinskog načelnika mr. Ibrahima Hadžibajrića i Osmana Cerića u ime Medžlisa Islamske zajednice u Sarajevu.

Kako je tada pojasnio načelnik Hadžibajrić, prijedlog za sanaciju džamije uputili su mu iz Džematskog odbora nakon čega je održan sastanak i odmah postignut dogovor o izdvajanju sredstava za ovaj značajni objekat.

„Općina finansira kompletnu obnovu krova i munare sa 40.000 KM. Ukupna vrijednost radova je 90.000 KM i nadam se da će Medžlis Islamske zajednice u Sarajevu obezbijediti ostatak sredstava za dovršetak radova na džamiji. Najbitnije je da se objekat džamije zaštiti od daljeg propadanja, te da se postavi nova krovna konstrukcija i da se sanira munara“, izjavio je prilikom potpisivanja ugovora načelnik Hadžibajrić.

Projekti

Od početka godine sanirano devet ulica i dvije kaldrme uloženo 1,8 miliona KM

Ulice sanirane prema programu rada za 2022. godinu ● Završen veliki projekat na Alifakovcu ● Sanacija ulice Kamenica koštala 105.000 KM ● Sanirane dvije kaldrme

U posljednja dva mjeseca, tokom nove građevinske sezone, intenzivirani su radovi na sanaciji saobraćajnica u Starom Gradu, a u skladu sa programom rada općinskog načelnika mr. Ibrahima Hadžibajrića za ovu godinu. U navedenom periodu sanirano je devet ulica.

Za projekte je izdvojeno oko 1,8 miliona KM.

Abdesthana i Piruša

Prva ulica u kojoj su se izvodili radovi od početka ove godine je Abdesthana na Kovačima. Ulica Abdesthana sanirana je od broja 25 do broja 33 u dužini od 60 metara, a ulica Piruša od broja 1 do broja 11, dužine 76 metara. Projekat je koštao oko 34.000 KM, a izvođač radova je bila građevinska firma 'OXA'. U obje ulice urađeno je uklanjanje oštećene asfaltne površine, djelimično uklanjanje ivičnjaka i ugradnja novih, tamponiranje i asfaltiranje.

Kamenica

Urađena je sanacija i asfaltiranje ulice Kamenica od broja 1 do broja 49. Radilo se o dionici dugoj oko 320 metara, na kojoj su se radovi izvodili u dvije faze: prva faza od broja 10 do broja 49 i druga faza od broja 1 do broja 10. Vrijednost projekta bila je oko 105.000 KM. Ulica Kamenica je lokalna saobraćajnica najprometnija na Mahmutovcu jer povezuje veliki broj ulica i sokaka, sa stotinama domaćinstava. Ranije su rađene djelimične sanacije, ali ovo je prvi put nakon dvadesetak godina da se pristupilo kompletnoj sanaciji kako bi se poboljšala putna komunikacija građanima u više ulica.

Safvet-bega Bašagića

Projekat sanacije dijela ulice Safvet-bega Bašagića, dionica iznad raskrsnice ulice Alije Nametka i Safvet-bega Bašagića do broja 161, završen je krajem aprila i time je zaokružen projekat sanaci-



Abdesthana



Piruša



Kamenica



Safvet-bega Bašagića



Hadžijska ravan



Save Skarića

je najprometnije i najduže ulice u Starom Gradu. Ulica je sanirana u dužini od oko 280 metara čime je osigurana mnogo bolja saobraćajna infrastruktura. Projekat sanacije ovog dijela ulice je koštao oko 81.000 KM i finansiran je u cjelosti iz budžeta Općine Stari Grad Sarajevo za 2022. godinu. Na ovoj dionici radilo se uklanjanje oštećenog asfalta sa ugradnjom tamponskog materijala, čišćenje slivnika i međuslivničkih veza sa ispiranjem cjevovoda, izdizanje šahtova, šibera i rešetki na potrebnu visinu i na kraju izrada novog sloja asfalta.

Hadžijska ravan

U mjesnoj zajednici Moščanica realizovan je projekat sanacije krakova ulice Hadžijska ravan vrijedan 53.200 KM. Sanirana su i asfaltirana tri kraka ulice, od broja 9 do broja 33.

U ulici Hadžijska ravan uklonjen je dotrajali asfalt i izvršena sanacija odvodnje, ugradnjom plastične kanalizacione cijevi dužine 30 metara, izgradnjom kanala za odvodnju i tri slivne rešetke. Ovi radovi izvedeni su u prvom kraku, dužine 85 metara koji je potom asfaltiran. Drugi krak bio je makadamski, dužine je 30 metara.

Save Skarića

Asfaltirani su i dijelovi ulice Save Skarića, veoma značajne dionice za veliki broj građana naselja Mjedenica. Saniran je dio ove ulice od broja 2 do broja 4 u dužini od 80 metara, te na dijelu iznad stepeništa na spoju ulica Save Skarića i Hadžiabdinica u dužini od 20 metara. Radovi u ovoj ulici koštali su oko 19.000 KM.

Bistrik gornja čikma

Kaldrmisano stepenište u ulici Bistrik gornja čikma je krak ulice i jedina putna komunikacija za građane koji žive u toj ulici, te je važnost ovog projekta za stanovnike izuzetno velika.

Kompletan projekat uključivao je novu odvodnju za oborinske vode, kao i ugradnju slivnika, linijskih rešetki, te priključaka novoizgrađene oborinske kanalizacije na postojeću. Nakon tih radova urađeno je postavljanje nove kaldrme na dionici dužine oko 35 metara. Projekat je financiran iz budžeta Općine Stari Grad iznosom oko 25.000 KM.



Bistrik gornja čikma

širine od 1,6 do 2,0 metara. Riječ je o veoma uskom kaldrmisanom stepeništu i važnoj putnoj komunikaciji za nekoliko domaćinstava. Pored sanacije gazišta, urađena je i ugradnja cijevi za izradu kolektora, montaža slivnika, kanalske



Mehmedagina

rešetke za prihvatanje kišnih voda, linijske rešetke, kanala za odvodnju otpornog na mraz, so i ostale agresivne uticaje, te izrada priključaka novoizgrađene oborinske kanalizacije na postojeću. Projekat je koštao oko 33.000 KM.

Kaldrma u ulici Mehmedagina

U ulici Mehmedagina, u mjesnoj zajednici Vratnik, urađena je sanacija kaldrme sa izradom oborinske odvodnje u dužini od oko 38 metara i prosječne

Kraj velikog infrastrukturnog projekta na Alifakovcu

Asfaltiranjem ulica Veliki Alifakovac, Maguda i Megara, završen je veliki projekat rekonstrukcije vodovodne i kanalizacione mreže u ovim ulicama čime je došao kraj dugogodišnjih problema stanovnika ovog naselja u Starom Gradu.

Kako su i sami isticali, dugo godina imali su problem loše kanalizacione mreže, odvoda otpadnih voda i neadekvatnih kućnih priključaka. Tokom čestih obilazaka radova razgovarali smo sa građanima koji su nam i sami govorili šta za njih znači realizacija ovog projekta. Jedna od njih je i Dijana Simit Burzić koja je rođena na mjesnom području Babića bašče.

„Mi smo imali kontinuirano miješanje oborinske i kanalizacione mreže. Ovo je saobraćajnica koja za naše mjesno područje predstavlja žilu kucavicu i ja bih prije svega da se zahvalim načelniku i njegovim nadležnim službama zato što su prepoznali problem koji kod nas tinja već nekoliko decenija, a poseban vrhunac je dobio po završetku rata“, izjavila je Dijana, a isto mišljenje dijelila je i Emina Čolić koja živi u ulici Alifakovac 14.

„Godinama smo se patili, fekalije su ulazile u stambene objekte. Našim problemima će konačno doći kraj“, kazala je Emina.



Priča sa naslovne strane



Podsjećamo, radilo se o veoma kompleksnom i velikom projektu na Alifakovcu koji je uključivao rekonstrukciju i polaganje novih cijevi za vodovodnu mrežu, te oborinsku i fekalnu kanalizaciju kroz četiri ulice, na dužini od skoro 500 metara.

Projekat vrijedan 1,4 miliona KM

Projekat se odvijao u četiri faze. Prva faza radova izvodila se od Inat kuće do raskrsnice kod pekare Alifakovac, druga faza bila je od pekare Alifakovac do raskrsnice sa Franjevačkom ulicom, treća faza od Franjevačke ulice do Magude i četvrta faza izvodila se od Magude do raskrsnice Megara - Mehmeda Mujezinovića. Prvo je urađena rekonstrukcija separate kanalizacione mreže, a zatim i rekonstrukcija vodovodne mreže.

Projekti

Saniran i asflatiran makadamski put kroz Gornje Biosko

Stanovnicima omogućena puno bolja infrastruktura • Naselje na granici dvije općine i dva entiteta • Radovi koštali 174.000 KM

Asfaltiranje makadamski put kroz naselje Gornje Biosko, koje broji pedesetak domaćinstava, u dužini od dva kilometra, čime su stanovnici dobili puno bolju putnu infrastrukturu. Radovi su se izvodili u tri faze, od čega su dvije faze dio projekta „Podijeljene općine“ koji implementira Vijeće Evrope u saradnji sa Općinom Stari Grad. Treća faza radova je bila dio zajedničkog projekta Općine Stari Grad Sarajevo i Opštine Istočni Stari Grad. Ukupno su svi ovi radovi koštali oko 174.000 KM.

Zajedno za bolje sutra

Općina Stari Grad Sarajevo uključila se prošle godine u program „Podijeljene općine“ koji je zasnovan na međuentitetskoj saradnji jedinica lokalne samouprave, a implementira ga Vijeće Evrope u saradnji sa odabranim općinama iz FBiH i RS. Općina Stari Grad je u okviru ovog programa uradila projektni prijedlog pod nazivom „Zajedno za bolje sutra“, kojim je aplicirano prema Vijeću Evrope. Projekat je odobren, a ukupna dužina trase puta Gornje Biosko koja je sanirana ovim projektom iznosi oko 420 metara. Vrijednost investicije je oko 40.000 KM. Prva faza radova završena je prošle godine i tada je rekonstruisano i asfaltirano ukupno 220 metara dionice puta. U junu ove godine su završeni radovi i na preostalim 200 metara puta.



Dva kilometra novog asfalta za stanovnike Gornjeg Bioska

Koliko je projekat bio od velike važnosti potvrdio nam je prilikom obilaska radova i stanovnik Gornjeg Bioska Marko Čavarkapa.

„Sanacija ovog puta za sve nas je jako važna. Imam 82 godine, ovdje sam čitav svoj život i put je oduvijek bio loš i teško prohodan, a sada se to promijenilo. Nadam se da će to možda privući i mlade da dođu živjeti ovdje, jer ostala je samo stara populacija. Načelnici Bojo Gašanović i Ibrahim Hadžibajrić su u posljednjih nekoliko godina uradili za ovo naselje više nego bivša država za 50 godina. Jako smo im zahvalni i čestitamo im na tome“, kazao nam je Čavarkapa.

Međuentitetska saradnja

Zahvaljujući odličnoj saradnji Općine Stari Grad i Opštine Istočni Stari Grad i sporazumu kojeg su potpisali općinski načelnik mr. Ibrahim Hadžibajrić i načelnik Opštine Istočni Stari Grad Bojo Gašanović potpisan je sporazum o saradnji i sanirano još 1.500 metara ovog puta. Projekat je koštao 134.000 KM, a obje općine su izdvojile po 67.000 KM.

Izgrađena dva nova potporna zida

Kako bi se otklonila opasnost od rušenja Općina Stari Grad Sarajevo je u prethodnom periodu finansirala je izgradnju dva potporna zida, jedan u mjesnoj zajednici Toka - Džeka, a drugi na mjesnom području Hrid - Jarčedoli.



10. brdske brigade

Izgradnjom armirano - betonskog zida riješen je problem stanovnika ove ulice s obzirom na to da je prijetila opasnost od rušenja postojećeg zida koji je mogao ugroziti lokalnu saobraćajnicu. Upravo iz tog razloga, pokrenuta je sanacija zida, uklanjanje postojećeg i izgradnja novog betonskog zida dužine šest i po metara i visine dva metra. Radovi su koštali 8.000 KM.



Trčivode

Na mjestu dotrajalog i urušenog potpornog zida u ulici Trčivode preko puta brojeva 5 i 7, na području mjesne zajednice Hrid-Jarčedoli, izvršeni su radovi sanacije i izgradnje novog armirano-betonskog potpornog zida, visine između dva i po i tri metra, te širine 30 centimetara. Projekat je koštao 17.000 KM.



U toku projekat sanacije ulice Bostarići vrijedan 150.000 KM

Važna putna komunikacija za naselja Bostarići i Ablakovina • Planirano etapno izvođenje radova zbog kompleksnosti terena • Sanirat će se 500 metara ulice

Na Širokači je u toku veliki projekat sanacije ulice Bostarići. Riječ je o zajedničkom projektu Općine Stari Grad Sarajevo i Direkcije za puteve Kantona Sarajevo, a od ogromnog je značaja za ovo naselje jer se radi o glavnoj putnoj komunikaciji za naselja Bostarići i Ablakovina.

Načelnik Hadžibajrić je prilikom potpisivanja Ugovora istakao značaj ovog projekta za građane. "Ulica Bostarići se nalazi u padinskom naselju i to je put koji se posljednjih 30, a možda i više godina nije sanirao. To je uzrokovalo pojavu velikog broja udarnih rupa i oštećenja. Zbog konfiguracije terena, projekat će sigurno biti vrlo zahtjevan, a građanima ćemo ovom sanacijom osigurati mnogo bolje uslove i putnu infrastrukturu," kazao je tada načelnik Hadžibajrić.

Kako smo saznali od izvođača radova riječ je o veoma kompleksnom terenu i zbog toga je planirano etapno izvođenje radova.

Šta kažu građani...

Razgovarali smo i sa stanovnicima ulice Bostarići. Kadrija Bulbul više od

40 godina živi na mjesnom području Širokača, a ispričala je kako su građani veoma zahvalni na radovima koji se trenutno izvode. "Ja bih prije svega da se zahvalim načelniku Hadžibajriću na svemu što je do sada uradio za sve nas u ovom naselju. Prije dvije godine asfaltirana su nam četiri kraka ove ulice, tu je prije bio makadam. To su zaista velike stvari za nas građane", kazala je Kadrija.

Sličnog mišljenja je i Hasan Delalić koji također živi u ulici Bostarići, te kaže da će ovaj projekt građanima donijeti normalizaciju života.

„Živim ovdje od 1961. godine i sjećam se da je prije ovdje bio samo uski put. Davno nekada je asfaltirano, prošlo je više od 30 godina sigurno. Ovo je veoma prometna ulica, svi se grijemo na drva, puno kamiona ovuda prolazi i cesta je skroz uništena. Sanacija ove ulice puno nam svima znači“, izjavio je Delalić.



Sanacija 500 metara ulice



Kadrija Bulbul

Sanirat će se ulica dužine 500 metara

Projekat obuhvata sanaciju ulice Bostarići u dužini oko 500 metara na kojoj se nalaze dvije horizontalne krivine, a cesta je prosječne širine od 3,5 do 4 metra. Projekat uključuje skidanje postojećih asfaltnih slojeva, tamponiranje i odvodnju. Predviđena je i izgradnja jedne slivne rešetke na početku trase. Nakon tih radova bit će asfaltirana cijela dionica i time biti olakšana putna komunikacija, kako za pješake tako i za automobile.

Projekti



Potpisani sporazumi za sanaciju četiri klizišta i izradu projektne dokumentacije za još tri

Učestvuju Općina Stari Grad, Zavod za izgradnju KS i Kantonalna uprava civilne zaštite KS • Prva općina koja je na ovaj način počela procese sanacije klizišta • Važni projekti za građane

Potpisivanjem sporazuma o međusobnim pravima i obavezama između Općine Stari Grad Sarajevo i Zavoda za izgradnju Kantona Sarajevo, 20. maja, 2022. godine, omogućene su dalje aktivnosti na sanaciji tri registrovana klizišta u Starom Gradu, te izrada projektne dokumentacije za još tri. Sporazume su potpisali općinski načelnik mr. Ibrahim Hadžibajrić i direktorica Zavoda za izgradnju Kantona Sarajevo Belma Barlov.

Prilikom potpisivanja istaknuto je da je Općina Stari Grad tako postala prva općina u KS koja je sa Zavodom za izgradnju Kantona Sarajevo na ovaj način počela procese sanacije klizišta, prema svim važećim zakonskim procedurama kojim se rješava pitanje klizišta.

Na osnovu prvog sporazuma pokrenut će se postupak izbora izvođača radova koji će sanirati klizišta u ulicama Močila 45, Krka 11 i Sedrenik 56, što će prema

procijenjenoj vrijednosti koštati 302.000 KM. Drugim sporazumom definisano je pokretanje postupka izrade glavnih projekata za još tri klizišta, a to su u ulicama Bistrik brijeg 11-27, Trčivode gornje 48 i lokalitet Sagrdžije, džamija Ulomljenica. Ovo su vrlo važni projekti za građane kojim se rješava pitanje opasnih klizišta.

Opasno klizište na Trčivodama

Mjesec dana nakon toga potpisan je još jedan sporazum u koji je pored Općine Stari Grad i Zavoda za izgradnju KS, uključena u Kantonalna uprava civilne zaštite KS.

Zbog slijevanja terena i propadanja dijela saobraćajnice u ulici Trčivode kod broja 46 došlo je do pokretanja klizišta, a stanovnicima ovog naselje već neko vrijeme otežana je putna komunikacija i strahuju od većih posljedica. Nakon evidentiranja ovih problema i stanja na

terenu, općinski načelnik mr. Ibrahim Hadžibajrić naložio je da se odmah pristupi rješavanju i izradi projekta za sanaciju klizišta i ojačanje dijela puta, kako bi se građanima osigurali što bolji uslovi za svakodnevni život.

S ciljem što hitnije sanacije klizišta, u Općini Stari Grad Sarajevo potpisan je Sporazum o međusobnim pravima i obavezama pri realizaciji Projekta sanacije i monitoringa klizišta na lokalitetu općine Stari Grad Sarajevo. Sporazum su potpisali načelnik Općine Stari Grad Sarajevo mr. Ibrahim Hadžibajrić, direktorica Zavoda za izgradnju KS Belma Barlov i direktor Kantonalne uprave civilne zaštite KS Dženan Brkanić. Potpisnici sporazuma finansirat će projekat sanacije ovog klizišta na način da će Općina Stari Grad Sarajevo izdvojiti 35.000 KM, Zavod za izgradnju KS 66.300 KM i Kantonalna Uprava civilne zaštite KS 35.000 KM. Ukupno su obezbijeđena sredstva u iznosu od 165.000 KM.

Općina pokreće postupke izbora izvođača radova

Kako je potvrdio načelnik Hadžibajrić, Općina će odmah pokrenuti postupak za izbor izvođača radova.

“Odmah ćemo pokrenuti postupak za izbor izvođača radova i čim bude okončan pristupamo sanaciji klizišta na Trčivodama. Drago mi je što smo pokrenuli ove projekte sa Zavodom i Kantonalnom civilnom zaštitom i što smo u posljednjih mjesec dana potpisali sporazume za sanaciju 4 klizišta i izradu projektne dokumentacije za još 3. Pred nama je puno posla, ali sam siguran da ćemo uspjeti i da će izvođači radova uskoro biti na terenu,” izjavio je načelnik Hadžibajrić.

Direktor Kantonalne uprave civilne zaštite Dženan Brkanić izjavio je da je ova ustanova planirala sredstva u iznosu od 800.000 KM za sanaciju klizišta u Kantonu Sarajevo, a prvi konkretni sporazumi postignuti su sa Općinom Stari Grad.

“Zaista smo ovom pitanju pristupili studiozno i krenuli smo od Općine Stari Grad. Do sada smo obišli sedam općina u Kantonu Sarajevo. Kantonalna uprave

civilne zaštite je za ove svrhe u 2022. godini planirala 800.000 KM. Jedan dio sredstava bit će implementiran na području općine Stari Grad u iznosu od 64.000 KM za sanaciju klizišta Trčivode,” izjavio je direktor Brkanić.

Milion maraka za klizišta u Kantonu Sarajevo

Direktorica Zavoda za izgradnju KS Bema Barlov potvrdila je da će Zavod sa sanaciju klizišta na Trčivodama izdvojiti više od 66.000 KM.

“U ovoj godini smo za sanaciju klizišta na području Kantona Sarajevo izdvojili oko milion konvertibilnih maraka. Svaka općina je imala priliku u januaru i februaru da aplicira sa najprioritetnijim klizištima, a prvi korak i sporazum postignut je ovdje u Općini Stari Grad, gdje smo prošlog mjeseca potpisali sporazume za 6 klizišta, a danas i za sedmo. Nakon toga su se i ostale općine ugledale na to i prihvatile ove iste uslove. U Kantonu Sarajevo ima oko 1000 aktivnih klizišta i najbitnije je da smo učinili ovaj prvi korak i pokrenuli projekte,” izjavila je direktorica Barlov.



Klizište na Trčivodama



Za sanaciju klizišta na Trčivodama izdvojeno 64.000 KM



Brkanić i Hadžibajrić

Poticaji

Uz podršku Općine plastičička proizvodnja u Starom Gradu sve zastupljenija: Ove godine 33 nova korisnika

Korisnici dobili platenike veličine 50m² i sadni materijal • Do sada podijeljeno više od 260 platenika • Platenike dobili svi koji su aplicirali i ispunili uslove



Načelnik Hadžibajrić i pomoćnica Kavazović u obilasku platenika porodice Nuhić

Uz podršku Općine Stari Grad Sarajevo, ove godine plastičičkom proizvodnjom počela su se baviti još 33 poljoprivrednika. Odlukom općinskog načelnika mr. Ibrahima Hadžibajrića, svima su osigurani platenici veličine 50m², prateća oprema koja uključuje i sistem navodnjavanja, te sadni materijal.

Kako je i obećao načelnik Hadžibajrić, svi koji žele da se bave plastičičkom proizvodnjom i ispunjavaju uslove – a, to u prvom redu znači da imaju vlastito zemljište, dobili su platenik. Do sada ih je na ovaj način podijeljeno više od 260, a načelnik Hadžibajrić lično je obišao tri nova korisnika. Kako ističu, platenici im trebaju za vlastite potrebe, uzgoj organsk-

og i zdravog povrća, ali i kao terapija od stresa i životnih nedaća jer radom u platenicima zaboravljaju na sve probleme.

Porodica Nuhić našla utjehu u bavljenju plastičičkom proizvodnjom

Upravo takva je i porodica Muhameda Nuhića sa Jarčedola koji još uvijek pokušavaju da se pomire sa gubitkom 37-ogodišnje kćerke koji su doživjeli prošle godine. Zbog iznenadnih komplikacije poslije operacije srca, njen život je zauvijek ugašen, a iza nje je ostala kćerka o kojoj danas brinu nana i dedo.

„Meni je ovaj platenik terapija. Ustanem ujutro prije sunca, očistim, oplijevim, navodnjavam i tako ne mislim na druge brige. Posadio sam paprike, paradajz, krastavice, patlidžan i trudim se koliko je u mojoj moći da bude kako treba,“ ispričao je Muhamed. Sa suzama u očima i on i supruga pričaju kako njihov život više nikada neće biti isti, ali se iz dana u dan bore jer živjeti se mora, posebno zbog unuke na koju su ponosni. „Ona je odlična učenica i naš ponos. Mi se bavimo poljoprivredom da zaboravimo na druge brige, a i ne valja da se zemlja ne obrađuje. Mi svi učestvujemo, nama je ovo zadovoljstvo. Zato nas je posebno obradovalo kada nam je načelnik dodijelio platenik. Pokazao je da brine o nama i pomaže nam i na ovaj način,“ dodao je Muhamed.

Općina nastavlja pomagati

Kako je izjavio načelnik Hadžibajrić, Općina je uvijek na raspolaganju onima koji žele da rade i obrađuju zemlju. „Danas smo posjetili tri porodice koje su dobile plastenike i prateću opremu, kao i sadni materijal i zadovoljan sam onim što smo vidjeli, a zadovoljni su i oni, što mi je posebno drago. Mi smo ove godine dodijelili 33 plastenika, ali i druge poticaje,“ kazao je načelnik Hadžibajrić.

„Moram istaći da značajna sredstva izdvajamo svake godine i za podršku bavljenju pčelarstvom, stočarstvom i sve ono što može pomoći našim građanima koji žive od obrade zemlje i vlastitog rada. Mi smo u mogućnosti da ispunimo zahtjeve naših ljudi koji se žele baviti poljoprivredom i da žive od svog rada, te ćemo im i dalje biti podrška i pomagati ih koliko možemo“, dodao je.

Porodica Kadić na Sedreniku uzgaja i medonosno bilje

Sedmočlana porodica Kadić na Sedreniku, na svom imanju na kojem uzgajaju krompir, luk, grah, kukuruz i drugo povrće, ove godine prvi put postavili su i plastenik u koji su zasadili paradajz i paprike. Kako priča domaćin Miralem Kadić, paradajz i paprika više se ne mogu uzgajati na otvorenom zbog vanjskih uticaja i plemenjače i zato su predali zahtjev za plastenik.

„Ja se bavim poljoprivredom cijeli život pomalo, a intenzivnije od 2015. godine otkada sam u penziji. Pored zemljoradnje, bavim se pomalo i pčelarstvom. Već nekoliko godina ovdje uzgajam i biljku facelija. To je medonosno bilje kojim se hrane pčele. Ona cvjeta 45 dana i kada nestane trave i cvijeta na livadama, pčele se ovdje hrane,“ pojašnjava ovaj vrijedni domaćin. Njegova snaha Selma, koja je u sedmom mjesecu trudnoće, u ime cijele porodice nedavno je uputila pismo zahvalnosti općinskom načelniku za uručeni plastenik. „To je najmanje što smo mi kao porodica mogli uraditi jer ovaj plastenik nam puno znači. Ovdje uzgajamo prirodno povrće za našu porodicu, organsko. Od velikog je značaja kada mi građani imamo podršku svoje općine,“ istakla je Selma.



Ove godine dodijeljena 33 plastenika

Plastenik za samohranog oca Elmira Jakupovića

Elmir Jakupović živi na Faletićima i sam se brine o svom petogodišnjem sinu i staroj majci. Od primanja ima samo majčinu penziju, te će im urod iz plastenika biti velika olakšica za narednu zimu. „Početnik sam i prvi put imam plastenik. Puno se trudim i zasad mi dobro ide. Dobili smo i oko 100 sadnica paradajza i paprike i sve smo zasadili. Ovo je veliki doprinos za moju porodicu. Ja sam samohrani otac i u današnje vrijeme ovo je ogromna pomoć,“ izjavio je Jakupović.

U toku 2022. godine na području Starog Grada korisnicima su isporučena i montirana 33 plastenika sa pratećom opremom za što je iz budžeta Općine Stari Grad izdvojeno oko 87.500 KM. Dodijeljeno je i više od 11.000 komada sadnica paradajza



i skoro 9.000 sadnica paprike. Ovaj sadni materijal dodijeljen je kako novim, tako i ranijim korisnicima plastenika u Starom Gradu. Osim toga, poljoprivrednicima je ove godine isporučeno oko 3.500 kg sjemenskog krompira i 200 kg sjemenskog luka.



U ovoj godini za plastenike izdvojeno 87.500 KM

Poticaji

Zbog korone zatvorili radnju, a uz pomoć Općine ponovo pokrenuli biznis na Bašćaršiji

Ljubav prema izradi rukotvorina i suvenira i želja da svi posjetioci Starog Grada imaju priliku vidjeti i kupiti originalne ručne radove inspirisane bogatom tradicijom Bosne i Hercegovine, podstakli su Fatu Musić da konkuriše na javni poziv za finansiranje i sufinansiranje najboljih poslovnih planova u Općini Stari Grad Sarajevo namijenjenih razvoju preduzetništva i zapošljavanju ranjivih kategorija stanovništva, među kojima su i nezaposlene osobe.

Porodica Musić je prije 13 godina registrovala obrt na Bašćaršiji gdje su djelovali sve do 2020. godine kada su zbog pandemije koronavirusa bili primorani da zatvore radnju.

“Sve je bilo u redu do 2020. godine, odnosno do krize koju je donijela korona kada smo bili primorani zatvoriti radnju. Nismo znali šta dalje, situacija je bila strašna... i onda saznamo za poticaj koji Općina Stari Grad Sarajevo dodjeljuje. Nakon provedene konkursne procedure dobijemo obavijest da smo jedni od dobitnika poticajnih sredstava i tada sve ponovo počinje”, ispričala je Fata.

Uz pomoć tih sredstava Fata Musić je ponovo registrovala obrt na Bašćaršiji, u ulici Kundurdžiluk 2, ovaj put zajedno sa starijom kćerkom Selenom, koja je po struci magistrica slikarstva. Suprug i mlađa kćerka Melisa, po struci magistrica produkt dizajna, aktivno učestvuju u izradi suvenira za porodični obrt koji nosi naziv Studio Jardin.

“Kćerke su birale ime za radnju, htjele su da bude neobično, zvučno, i odabrale su ime Jardin što na više jezika znači vrt, bašta. Mislim da nam baš takvo ime za radnju savršeno odgovara, jer se u vrtovima može naći najrazličitije cvijeće i plodovi. Tako u našoj radnji svako od nas njeguje svoj izraz, koristi svoj medij i izrađuje svoj proizvod. Ipak, postoji nešto što sve te radove veže u jednu cjelinu, a to je tradicija naše zemlje, koja je za sve izvor inspiracije,” istakla je Fata.

U ‘Jardinu’ su izloženi najraznovrsniji proizvodi: platnene lutke, bosanske vile



Selena Musić ispred radnje na Bašćaršiji u ulici Kundurdžiluk



Majka Fata Musić konkurisala na Javni poziv Općine

izrađene sa puno detalja i ljubavi, vez sa stihovima iz sevdalinka koje radi Fatina kćerka Melisa, proizvodi od drveta, tapiserije koje su kombinacija bosanskog ćilima i drveta koje radi suprug Zlatan, radovi u foliji, oslikane svilene marame koje radi Fata i umjetničke slike koje slika kćerka Selena.

Više od 3 miliona maraka za razvoj poduzetništva

Ovo je još jedan uspješan primjer ljudi koji uz pomoć i podršku općinskog načelnika mr. Ibrahima Hadžibajrića i svoje lokalne zajednice pokreću vlastite biznise i ostvaruju poslovne ideje. Inače, Općina Stari Grad već niz godina pruža podršku mladim ljudima da realizuju svoje poslovne ideje i pokrenu



Veliki izbor umjetničkih djela porodice Musić

vlastite biznise. Od 2016. godine do danas Općina Stari Grad je samostalno i u saradnji s partnerima obezbijedila više od tri miliona maraka za projekte u oblasti razvoja poduzetništva i smanjenja stope nezaposlenosti, a za start-up biznise i samozapošljavanje dodijeljeno oko 400.000 KM.

Porodica Musić kaže da su itekako svjesni značaja ovakve podrške lokalne zajednice, te da će svojim radom opravdati povjerenje.

“Aktivno pratimo rad Općine Stari Grad Sarajevo jer podržavamo aktivnosti koje doprinose razvoju naše općine. Veoma smo zahvalni načelniku Hadžibajriću na pruženoj podršci i u znak zahvalnosti ćemo se potruditi da iz našeg Jardina izlaze samo radovi dostojni jezgre Starog Grada i tradicije koju on njeguje”, poruka je porodice Musić.

Devedesetogodišnja Raza Mahović sa Mahmutovca dobila novi krov

Sanacija stambenih jedinica socijalno ugroženih u fokusu djelovanja • Od početka ove godine sanirano pet krovova • Tri porodice dobile građevinski materijal

U maloj kući na Mahmutovcu, u ulici Paje, već 63 godine živi Raza Mahović koja je napunila 91 godinu. Od prošle godine, kada je izgubila supruga, živi potpuno sama, a zdravlje je srećom dobro služi. Dobri ljudi, komšije i prijatelji redovno je posjećuju i pitaju za zdravlje i potrebe, pa je tako i do načelnika Općine Stari Grad Ibrahima Hadžibajrića stigla informacija da je Razi potreban novi krov jer je stari dotrajavao i prokišnjavao. Načelnik je naložio da se Razi odmah pomogne. Po završetku radova, posjetio je ovu staricu kako bi se uvjerio da je sada sve u redu.

„Meni sada više ništa ne treba i ja sam prezadovoljna. Sramota me je da tražim od drugih. Nikada ja ne bih sama tražila da mi se napravi krov, nego su to drugi javili nekako načelniku. Mene je iznenadilo kada su došli da prave krov i rekli da ih je načelnik poslao, a kada su mi rekli da će doći da me posjeti nisam mogla vjerovati. Hvala mu što mi je olakšao dane do kraja života,“ ispričala je Raza. Kazala je kako cijeli život živi na Mahmutovcu i da je sve bilo lakše dok joj je suprug bio živ, a od njegove smrti je potpuno sama i sretna je kada joj neko otvori vrata. Načelnik je obećao da će Razi uskoro biti isporučen i ogrjev za narednu zimu.

„Sanacija stambenih jedinica socijalno ugroženih porodica je jedan od naših najznačajnijih projekata, a kako sam i najavio prošle godine, povećali smo sredstva i broj porodica čije ćemo probleme riješiti u 2022. godini, prije početka zime. Posebno moramo voditi brigu o našim starim i nemoćnim koji su sami i nema im ko pomoći. Takav je slučaj i nane Raze Mahović koju ćemo nastaviti obilaziti i osigurati joj sve što je potrebno,“ poručio je načelnik Hadžibajrić.

Od početka ove godine sanirani su krovovi na stambenim jedinicama pet socijalno ugroženih porodica, dok su tri porodice koje pripadaju socijalno ugroženoj kategoriji dobile donacije u građevinskom materijalu. Projekat se nastavlja do kraja godine, a zahtjevi se realizuju prema prioriteta.



Načelnik Hadžibajrić sa nanom Razom Mahović

U 2021. godini sanirane stambene jedinice za 31 porodicu

Odlukom općinskog načelnika mr Ibrahima Hadžibajrića u 2021. godini pružena je pomoć u sanaciji stambenih jedinica za ukupno 31 socijalno ugroženu porodicu kojima je na ovaj način riješeno jedno od životnih pitanja. Iz budžeta Općine Stari Grad finansirana je sanacija 18 stambenih jedinica na kojima je radove izveo izabrani izvođač, dok je još 13 porodica dobilo građevinski materijal za neophodne radove na svojim kućama. Za ove namjene je iz budžeta Općine Stari Grad u 2021. godini izdvojeno 120.000 KM. Rađene su sanacije krovova, zam-

jena unutarnje i vanjske stolarije, mokrih čvorova, fasada itd osobama koje nisu u mogućnosti sami finansirati ove radove, a kako bi im se obezbijedio krov nad glavom.



Nana Raza Mahović: Načelnik mi je olakšao dane do kraja života



Načelnik Hadžibajrić i Općina Stari Grad brinu o svojim građanima

Bratimljenje

Bratimili se Općina Stari Grad Sarajevo i Karşıyaka Izmir

Deseta turska općina sa kojom je Stari Grad bratimljen • Otvaranje Ureda BiH u Karşıyaki • Podijeliti iskustva i učiti jedni od drugih

Općina Stari Grad Sarajevo sada ima ukupno 28 pobratimskih općina i gradova širom svijeta, a Općina Karşıyaka Izmir sa kojom je 25.05.2022. godine potpisan sporazum deseta je općina iz Republike Turske sa kojom je Stari Grad bratimljen - izjavio je ovo općinski načelnik mr. Ibrahim Hadžibajrić tokom potpisivanja sporazuma sa načelnikom Karşıyake Cemilom Tugayem.

„Načelnik Tugay i ja opredijeljeni smo da razvijamo naše odnose, da radimo na polju razmjene naših učenika i studenata, te kulturno-umjetničkih društava, ali i na drugim projektima. Naša saradnja dogovorena je za Dan državnosti BiH kada je načelnik Tugay učestvovao u paradi sa našim građanima i KUD-om Bašçaršija kroz najužu jezgru i potpisivanje sporazuma u Općini Karşıyaka je korak bliže ka našem povezivanju,“ dodao je načelnik Hadžibajrić. Potpisivanju sporazuma u Općini Karşıyaka prisustvovali su i vijećnici Općinskog vijeća ove izmirske općine, te im je načelnik Hadžibajrić uputio poziv da posjete Stari Grad i da zajedno rade na projektima od interesa za obje općine.

Načelnik Tugay je istakao da je prilikom prošlogodišnje posjete Starom Gradu bio oduševljen gostoprimstvom, ali i projektima koje je vidio da



Načelnici Tugay i Hadžibajrić sa potpisanim Sporazumom o bratimljenju i saradnji

su realizovani, te da je rado predložio Općinskom vijeću Karşıyake bratimljenje sa Starim Gradom. "Znam da je načelnik Hadžibajrić tokom svojih manadata stekao zavidnu reputaciju i vidjeli smo da vas zaista narod puno voli. Rado bismo da sa nama podijelite svoja iskustva i da naučimo neke stvari od vas. Volio bih da naša saradnja ne bude samo na društvenom i kulturnom polju, nego i tehničkom i infrastrukturnom jer jedni od drugih možemo puno naučiti,“ izjavio je načelnik Tugay.

„Nakon sto sam posjetio BiH i Stari Grad došao sam na ideju da u Karşıyaki otvorimo ured BiH i organizujemo kurseve bosanskog jezika, te pokažemo

našem narodu koje su vrijednosti BiH. Pomoć naše pobratimske općine bi nam puno značila u tome,“ dodao je načelnik Tugay.

Ovo bratimljenje za Općinu Karşıyaka ima ogroman značaj imajući u vidu da je svojevremeno na čelu ove općine bio ugledni rahmetli Atila Kemal Baysak, koji je porijeklom sa naših prostora i do svoje smrti je obavljao funkciju počasnog konzula BiH u Turskoj. Upravo iz tog razloga jedan od domaćina delegaciji iz Starog Grada bio je i Atila aysak, sin rahmetli Kemala i vijećnik u Općinskom vijeću Karşıyaka i Gradskom vijeću Izmirra, kao i ugledni biznismen porijeklom sa naših prostora Hasan Šehović.




Općina Karşıyaka se nalazi na obalama Egejskog mora



Delegacija Općine Stari Grad sa rukovodstvom Općine Karşıyaka



Nezaobilazno uručenje općinskog suvenirira „Sarajevska kocka“



Naziv institucije	Telefon
Policija	122
MUP Stari Grad	033/ 532-000
Hitna pomoć	124
Vatrogasci	123
Taxi Sarajevo	1515
Turistički informativni centar	033/ 532-606 i 580-999
Info centar Općine	033/ 233-184
Mjesne zajednice	033/ 265-526
Porezna uprava	033/ 555-481
Apoteka „Baščaršija“	033/ 272-300
Biro Stari Grad	033/ 557-247
Općina Stari Grad Sarajevo	033/ 282-300

Općinska služba	Telefon
Služba kabineta općinskog načelnika	033/282-400
Općinsko vijeće	033/282-313
Služba za odnose s javnošću i informacione sisteme	033/282-491
Služba civilne zaštite	033/282-395
Služba za investicije i komunalne poslove	033/282-417
Služba za urbanizam	033/282-316
Služba za imovinsko-pravne, geodetske poslove i katastar i stambene poslove	033/282-335
Služba za boračko-invalidsku i socijalnu zaštitu	033/282-397
Sektor za tehničke poslove i obezbjeđenje	033/282-452
Služba za opću upravu i inspeksijske poslove	033/282-357
Služba za finansije	033/282-427
Služba za privredu	033/282-359
Općinsko pravobranilaštvo	033/282-371
Služba za obrazovanje, kulturu i sport	033/282-365
Služba za lokalni razvoj i poslove mjesnih zajednica	033/265-525

-  Informacije
-  Policija
-  Parking
-  Prva pomoć
-  Toalet
-  Pošta
-  Banka

Svečano ispraćeni maturanti Starog Grada

Svečanim defileom kroz Ferhadiju, Sarače, Baščaršijski trg i Bravadžiluk i programom na višenamjenskom trgu preko puta Vijećnice – u organizaciji Općine Stari Grad, maturanti Starog Grada su svečano obilježili kraj svog devetogodišnjeg školovanja. Ukupno 201 maturant završio je sedam osnovnih škola na području ove općine, a 85 njih školovanje završavaju kao Ponos generacije.

